



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Valentiniano, qui postea imperio potitus est. Cap. XV.

urn:nbn:de:hbz:466:1-12704

viros ad se adduci iubet: percūctatur, quid dixerint. Illi tum occasionem ex imperatoris rogato sibi oblatam arbitrari liberè, quid sentirent eloquendi, insigni quodam zelo incitati, dixerūt ista: Nos in vera educati religione, ò imperator, & legibus in primis præclaris, quas Constantinus & eius filij tulerunt obsecuti, non possumus non grauer & acerbè iā lamentari, cū videamus omnia impio scelere referta, & tum esculenta, tum poculenta nefandis & execrabilibus victimis contaminata. Ista nos & domi ingentem vim lachrymarum profundere, & corā te iam flebiliter cōqueri coegerunt. Ista solum in tuo imperio nos malè habent. Quæ cum audiuiſſet mansuetiſſimus ille scilicet, & sapientiæ studio deditiſſimus (ita enim à sui similibus appellabatur) exiit personam modestiæ, & se impium impietatis scelestū prodidit, iuſſitq; graues & acerbæ plagas illis imponi, atq; sic hac vita priuauit, imò verò iniquo illo & calamitoso tempore eripuit, & coronas victoriæ eis conciliauit. Causam autem cur eos supplicio affecisset, non in veram pietatem, pro qua erant è medio sublati, sed in petulantiam, transtulit. Siquidè eos propterea multatos dixit, quòd ipsum contumeliis vexarant. Atque ista idcirco diuulgari mandauit, quòd veritatis athleticis & nomen martyrum, & honorem inuideret. Istorum alter Iuuentinus, Maximinianus alter appellatus est. Istos Antiochia velut strenuos pietatis athletas venerata, magnifico tumulo mandauit, & ad hodiernum vsq; diem quotannis festo publico eos honorifice celebrat.

*Vide hō-
mil. Chrī-
ſto. de
his mar-
tyr.*

*De Valentiniano, qui postea
imperio potitus est.*

CAP. XV.

Alii præterea, qui in altis honoris gradibus collocati erant, simili in Iulianum loquendi libertate vsi, similes quoque victoriæ coronas consecuti sunt. Etenim Valentinianus, qui post obtinebat imperium, id temporis militum hastatorum in palatio merentium tribunus, singulare studium, quo erga pietatis defensionem flagrabat,

к к 3

manifestò

THEODOR. HISTOR.

manifestò declaravit . Nam cum amens ille ac stupidus tyrannus Iulianus in fanum fortunæ choreas ducens ingrederetur, & æditui vtrunque ad ianuas confisterent, vti introeuntes, aqua lustrali, vt ipsi opinabantur, expiarent, tribunus Valentinianus, imperatorem præcedens, qui huius rei gratia vtrunque imperium consecutus est, vbi videt guttam aquæ suæ læuæ aspersam, pugnis cædit ædituum, seque inde non expiatum, sed turpi labe pollutum ait . Quod factum execrabilis tyrannus conspicatus, eum ad castellum in solitudine situm relegauit, ibique vitam degere iussit. At Valentinianus, anno & paucis mensibus interiectis, imperium tanquam mercedem suæ confessionis obtinet. Nā Deus, iustus iudex, pietatis studiosos non in illa vita beata solum honore & gloria afficit, verum etiam spem de præclaris illis præclarorum laborum remunerationibus, quæ in cælo expectantur, conceptam, etiam donis in hac vita suppeditatis planè confirmat . Erat porrò alia machina ad pietatem oppugnandam à tyranno excogitata . Nam cum aurum, vt vetus mos ferebat, militum ordinibus distribueret, primum ipse solio regali confedit, propeque locari iussit aram plenam carbonum, & thus in quadam mensa poni, Deinde mandatum dedit, vt singuli, qui aurum essent accepturi, primum thus iniicerēt aræ, tū ab ipsius dextera aurum sumerent . Istum erroris laqueum plurimi ignorabant penitus : at qui antè, quis nam esset, didicissent, morbo simulato, ne illo irretirēt, effugiebant . Nonnulli pecuniæ inducti cupiditate, suam neglexerunt salutem: alij metu fracti, veram pietatem prodiderunt.

De Confessoribus aliis .

CAP. XVI.

Post istam perniciosam pecuniæ distributionem, nonnulli, qui aurum acceperant, in conuiuio quodam fortè vnà epulantur . Quorum vnus, sumpto in manum poculo, non antè bibebat, quàm salutare crucis signū adhibuisset . Atque cum quidam è conuiuis eum increparet, diceretque illud rei paulò antè ab eo gestæ profus repugnare,